



partii naleraq

Nuuk 12. oktober 2018
UKA2018/25
Pele Broberg Partii Naleraq

Uunga siunnersuut: Sermip erngullu niuernikkut iluaqutigineqarnissaat pillugu Inatsisartut inatsisaat nr. xx, xx. xxx 2018-imeersoq

(Inuussutissarsiornermut Nukissiuuteqarnermullu Naalakkersuisoq)

Siullermeenera

Inatsisissamut siunnersuut Partii Naleraqqamit naatsumik oqaasertalerusupparput.

Inatsisissanik nutaanik aammalu inatsisaareersunut allannguutissanik suliaqaraangatta, apeqqut pingaarnertut aperiniartagarput unaavoq:

Kikkut sullippavut imaluunniit iluaquserniarpavut?

Nunap inui angusarisaat ulluni kingullerni eqqartoqattaarpavut, qanoq angusarissaartigisimanersut ukiuni kingullerni.

Naak 2015-imi Siumut oqaaseqartuanit eqqaaneqartoq nunatta aningaasaqarniarnera ajornerugaatsiamut inisseqqassasugut, iju-ijoortorluta mittarfissualiupallattariaqsugut.

Qujanartumik takusinnaalersimavarput inissisimanerput taama ajortiginngitsoq. Taamaattorli namminersortut, pilersitsisartut, periarfissaat killeqarnerat erseriorsimavoq.

Kiffaangissuseq amingaataasimaqaaq, inatsisit killilersuisut ammalu aporfilersuisutut inissisitertarsimammata.

Partii Naleraqqamit aporfilersuineq nammalertutut suaarutiginiarpavut.

Una inatsimmut siunnersuut nalilersorluarsimavarput, siunertaalu ajunngikkaluarluni kingunissaa isornartortariaqarlugu.

Ulluni makkunani oqaluuserisatta ilarilluinnarpaat suliffeqarfiit isertitaminnik akileraarutaat apparneqartariaqartoq, taava immikkut inatsisiliorneq pisarissersuutaannartut nalilertariaqarparput.

Inatsisartut pilersitsisartunut aammalu suliffeqarfinnut sinaakkusiisussaapput, aporfilersorniarsarinagit.

Inatsisissamut siunnersuut sinaakkusiinani, atorfilittanut pissaanermik tunniussissaaq. Ilumut aningaasarsiorfittut siku erngullu sinaakkutaat ajorsimappata, sooq taava piumasaqaaterpassuarnik allaffissornikkut aaliagassanik ilanngussiisaagut.

Inatsimmi immikkoortut ataasiakkaat naammattutut Partii Naleraqqamit nalilerpavut. Soorlu siku erngullu tunisassiorneranut suliffeqarfiliortut, nunap inui ajoqusernagit pisinnaateqarsinnaanerit.

Ila oqaatsit kusanartut timitaleruminaassimaqisut iliuusinngortinniartigit.

Kisermaassinermik piumasagaatit immikkuullarissutut Naalackersuisunut inissittalerniarlit, tunisassiuinnaasullu kisermaassinissamik pisariaqartitsinngitsut nunatsinneersut qinnuteqaqqaaratik aallartissinnaaniarlik.

Partii Naleqqamit apereqqissuugut. Kikkunuku sullippavut?

Nunatta aningaasaliiffiqineqaruminassusia aammalu suliffinnik aallarnisaanissamut orniginassusaa pitsaangorsassagutsigu, inuutissarsiutinik suliffeqarfiit suuneri qiviarlugit suliffeqarfiit isertitaminnik akileraarutaat tamarmik appartariaqarpavut.

Nunani allani misilittakkat isiginaveerlugit, ilikkarfiginagit ineriartorneq aammalu nunarsuarmioqataanermut aporfissalersuilluta ingerlasinnaanngilavut.

Ataatsimiititaliamut ingerlaqqinnissaa Partii Naleqqamit innersuupparput, qulakkeeqqullugu ilumut suleriaaseq allaffissornikkut aqutsisussaasoq tulluunnersoq.